

鼎氏家言由刊

第四輯

白虎先生



民國十六年十月初版

版權所有
不准翻印

編纂者

聶其杰

印刷者

上海靜安寺路二七七號
中華書局

總代發行所

上海福州路河南路轉角
中華書局

分售處

商務印書館
各省中華書局
有正書局

〔聶氏家言選刊〕

(原名家聲選刊第四輯)

(每冊實價大洋二角五分)

家聲選刊第四輯目錄

論文

八本堂說 衛生以心理爲重說 論耶教致禍之故 上帝主宰說辨惑 恭喜發財

說佛法之利益

養正遺規選錄

朱子童蒙須知 方正學幼儀雜箴 朱子治家格言 王陽明訓蒙教約 陸梭山居

家正本制用篇

名人摘錄

退庵隨筆摘錄 曾文正公日課四條 儒釋同源錄我信錄 宋儒多從禪學中來全上

性理之說本自壽涯東林二禪師全上 眞西山先生戒殺文 蘇東坡戒殺文 黃山谷

放生文

家庭集益會記錄第一次至第十七次

耕心齋隨筆

觀音感應事跡之非虛誕 奇病 再論觀音之靈感 明本大師入佛因緣 虛雲和尚之禪定 記念佛脫險 往生咒之靈異 念佛了脫生死之有據 佛力消除災難

學密須知 遊普陀天童阿育王塔日記 牧師荒謬之一斑

通信

王小徐先生來函 答楊君書 覆曾約農表姪書 湯壽軍先生來函 伯父手諭

覆子武書 覆邊君函

雜稿

記陳君觀文及保節工廠 記長沙孤兒院及劉國逸君 張天師世系考附識

醫藥

風溼外治法 肺癆揉背方 吐血方 血崩方 小便下血方 治癰方 凍瘡方

特件

德國佛教會成立之演說詞 涂九衢先生素食問題

介紹新書

徐仲可先生阿彌陀經註釋會要 感應篇經史摘典養正 重刻龍舒淨土文緣起

論
文

衛生以心理爲重說

雲
台

慨自西學東漸。崇拜科學者。無一事不醉心歐化。唾棄舊說。予亦其一人也。予三十歲時多病。後聞伍秩庸博士衛生之說法而行之。病以止。自是篤信衛生西法。因廣購其書讀之。所謂西方衛生法者。大抵以科學研究日光空氣清水食料。與人身營養之關繫。其說固精確有據。而爲普通常識之不可不具者。然其離衛生之道則尙遠也。予既講衛生學。則亦依其所言而行之。如日光浴也。空氣浴也。逐日清水浴也。飲食之配分澱粉質油脂質蛋白質也。夜臥必開窗也。體操也。遊戲也。如是行之。必謹必嚴。當時果足以減少病患。而後則發現弱點。蓋偶因環境關繫。起居飲食。不能如法照辦。則心理覺其有缺。疑慮之餘。病以生焉。近年來見滬上死亡率。以不知衛生之華人。與善於衛生力能講究衛生而又有種種血清注射。以預防傳染之西人比較。千人中死者。華人且較西人爲少。於以知科學偏重物質忽略精

神之弊。而彼不明心理者之不足以言生理也。近日予戚某君來滬。予爲安行床於書齋。某君事事篤信西法。自請宿於簷下。謂予曰。昔年家居。閉窗而臥。後至美國。始知空氣之要。雖嚴冬夜必開窗。近在家常夜臥戶外也。予曰。此固衛生之一法也。予十數年前嘗力行之。又苦予妻不堪其寒。不能開窗。遂特裝電風。一方以大管吸出帳中濁氣。一方送入新空氣。可謂盡科學之能事矣。而是時予之體力甚弱。腦力尤衰。血甚貧。不因有好空氣而增其健康也。近年不復措意此等事。而腦力反數倍於前時。血氣亦較前爲旺也。足徵凡言衛生。不宜過於著意。蓋物質於衛生。本不關緊重要。苟一著意。且有害焉。何也。若存一求十分鮮潔空氣之心。則平時健康。自覺此爲鮮潔空氣充足之效也。具此觀念。則偶在鮮潔不充分之空氣中。心必懷疑。而成致病之根源。然而環境變遷。人所時有。或旅行作客。或奉公出外。皆不能如在家之起居如意也。甚至多人共一室。而他人不許開窗戶。於是室內空氣必甚臭惡。在彼多人。習慣自然。無所覺也。亦無所害也。獨此注意空氣之人。感覺最靈。倍覺其臭惡難堪。俄頃而病至矣。非空氣影響有如此之速且烈也。其心理之作用害之也。故練習戶外睡眠。原美事也。然須視其觀念何如爲斷。若用以煅鍊肌膚。俾耐風霜。則於衛生有益。若爲多得鮮潔空氣計。則將於衛生有損。蓋空氣固應求潔。然當有其限度。但略開其窗。則外氣可

入已足適應其所需矣。若欲更求完美。則此一念。卽爲他日致病之源。此科學家及物質文明派之所不及知也。其屬於飲食者亦然。自顯微鏡出。西人遂發見種種病患。皆微生物所致。顧微生物能爲病。而紅白血輪足以滅微生物。故吾人於飲食呼吸接觸之際。此等微生物入身體者甚多。不能爲患也。苟血薄而微生物力厚。則病成矣。然心力強者。雖微生物力厚。不能爲病。蓋神旺則氣旺。氣旺則血旺也。康德者德國哲學鉅子。嘗著人心能力論。發揮此義。書中述德醫二人。嘗欲證明心理爲健康之本。兩人者各取病菌試驗。所蓄虎疫微生物一杯飲之。其一人無些須影響。其又一人則半日後僅腹微痛輕瀉一次云。此微生物者。世所謂其害極烈。一蠅足所沾入於飲食。卽致霍亂。今二醫之所飲。蓋數十萬萬倍於蠅足之所沾。而竟不足爲患也。假令別易一人。平日極力注意清潔。而嚴防微生物。深恐其入口者。則必病且死無疑矣。故衛生之學。足以益人。亦足以害人。其所以益人者。如一家之長。一地方之行政官。爲一家一地方具潔清之設備。又教人養成潔淨之習慣。使勤於洒掃清檢。整理積物。疏導溇洿。又教以慎寒暑。謹起居。節飲食。則微生物不作。有亦不爲害也。而其所以害人者。使人不務其本。而求其末。惴惴焉惟微生物之是懼。或滋養料不足之是憂。而不知是適反乎衛生之道也。故今之所謂衛生者。大抵精其室宇。潔其器用。美其飲食。嚴其防

蠅蚊之設備。凡以自謀者甚至矣。而於其環境與飲食之來源。則未一顧及。此等新人物。大抵養尊處優。賴人服役。而於彼輩之起居飲食工作習慣。則不注意。不思一切飲食。皆由彼等之手而來。彼等之起居動作習慣。乃至日與彼等接近之鄰居及其家屬。皆與我之飲食清潔有關者也。我能爲此嚴密之防範。清潔之享用。而食物過手之人。則聽其自然生活。不爲置念。已非善爲己謀者矣。（嘗見滬上西人飯館。廁所皆鑿砌。潔淨異常。而廚役華人便所。則污穢不堪。亦無手巾盆水之設備。試爲置想。可笑孰甚。）而況蚩蚩羣衆。大抵於衛生知識。一無所有。至種種新法設備。如浴室便所之類。尤勢所不能通行。苟此等設備爲衛生之必需者。則我力足以致之以衛其生。而大多數人之生命健康。將如之何。若忽然置而不顧。惟一己之生是衛。則其效果決不能如其所期。蓋欲衛其生而終不能衛者。吾見亦多矣。何也。彼其心厚於己而薄於人。充是心也。則凡損人以利己者。皆可爲也。其心理上之感應。則惡果有不可幸免者。至於因社會經濟力之壓迫。釀爲競爭仇嫉。以成憂患危害者。猶其餘事矣。予每見留學生沾染西洋習氣。滿口言中國事事不如人。滿心嫌家中事事不如法。其心中最以爲不可遷就者。爲衛生設備。Sanitary Equipment, Modern Convenience 以爲是乃不可少者。至於歐美人奢費及躊躇之惡習。亦揣摩無餘。（例如飯碗中殘餘飯粒。

饅頭撕去邊碎之類。至於飯粒食物偶落桌上者。決不拾起復食。一則恐有礙衛生。一則恐有損架子也。中國以愛惜穀粒食物爲美德。蓋此事於公衆生活問題。有密切之關繫。若人能愛惜食物。則不枉費。不糟踏。合於生衆食寡爲疾用舒之道。人民生活問題不致緊張。而爭競殺戮可以減少。實公德之最大者。至若愛惜已沾塵穢之食物者。則是能刻苦一己。以顧念公衆之利益。其爲德更大矣。故教兒童宜在此等處訓誨。使知一粒之米。積少成多。卽與全世界人民生活安寧皆有影響。俾令飯粒勿剩棄。若遺落雖在地。必拾而食之。若沾污則洗而食之。吾昔者亦有潔癖及種種習氣。近數年常以世界經濟人民生活與一己幸福欲望生活等等問題。合爲一爐。反覆研究。而知吾人之享用。皆與他人之幸福。有不可離之關繫。故一舉動一欲念。皆須代大人羣著想。我愛清潔。愛滋養品。謂必如是而後可以衛生也。然而大多數人力不能爲如是之清潔滋養。則我將獨清潔獨滋養以衛其生乎。彼力不能辦者。其生命將何如乎。如是作想。則種種特殊之習氣。可以稍改矣。且以事實驗之。此大多數人力不能爲如是之清潔。其健康長壽。或勝於我。然則我所認爲不可少者。純爲不正之觀念與不良之習氣耳。苟不矯正而改除之。則成爲一縱意肆志有我無人之人。縱令身得康樂。良心已失其健全不如其已也。故數年以來。一反前此衛生之說以行之。且將

固有之西洋浴缸撤去。而每晨卽以盥面水濕抹週身。嚴寒不廢。旅行不輟。如此者六年。未一日間斷也。昔年頭昏鼻塞等症。自是未發。健康確有據也。嘗謂此法勝於盆浴。彼有浴室暖爐之設備者。決不能如我之勤浴。且旅行內地。多日不能浴也。其飲食亦然。蔬食菜羹。愈簡單而愈適於營養。腦與血皆旺盛有據。而知前者注重脂肪蛋白質及種種滋養品之謬。彼以血肉爲食品者。徒暴殄物命。釀致病毒。損害世界經濟。戕賊自己良心者也。其屬於微生物防禦之法。久已置而不講。所謂防疫藥水。消毒皂。已多年不用。蠅落菜中。飯落地上。拾起仍食。未嘗拋棄。絕不爲病。吾旣以衛吾之生。而不害於人民萬物之生。且吾之所以養生者。雖窮僻之地。寒素之家。無不能辦。吾行之非過享。故心安而理得。庶幾斯爲衛生之大道也。

近聞某君衛生好潔。不與人共食。若赴宴。他人已下箸。則弗食之矣。故非西式會餐不赴。人言其病獨多云。此皆過於養其身。而忽於養其心者也。其病之所由來也。世人多有與某君同病者。因作斯篇以解之。又常人以爲西人百物皆潔。予嘗在美國舊金山見製可乳糖廠。羣蠅蝟集。以數千萬計。又親見滬上某西餐館。廚役以手撮食物置盤中。其類此者正多。苟不知心理衛生之說。而惟物質之潔否是問。安往而不致病也。其杰又識。

論耶教致禍之故

雲台

宗教當以率性修道爲主。故貴乎明義理。辨是非。別邪正。以仁爲本。以義爲歸。而禍福利害在所不計。然世之信宗教者。皆不如是。大抵以感情爲標準。以我見爲向背。而義理是非邪正所不究焉。宗教家知其然也。則利用禍福之說以欣之懼之。其尤甚者。則純以感情相動。竟不以善義爲準。明目張胆。筆之於書。如耶教是也。其他崇事上帝之教者。大抵亦含此意。信從我者惡皆赦。不信事我者善亦誅。所謂以感情爲標準。以我見爲從違者也。然好戰尙爭之國。利用此教。輒能鼓其民衆以殺敵致果。愛國主義。敵愾思想。皆賴此以養成。故歐洲好戰之民族。皆利賴之。尊爲國教。故其人民感情最烈。爲我最甚。亦可以概見其宗教影響之深也。其結果則各嚴兵備以相待。偶一爆裂。伏屍百萬。流血千里。同種之人。不相親信。仇嫉虞詐。旦夕不甯。器械求其精。故物質發達。而道德淪替。性慾日恣。而禍機亦日烈。此基督教恃刑威推行于數百年所致之成績。灼然不可諱也。世人不澈究義理是非真僞者。每爲宗教家所愚。而爲之言曰。凡教皆勸人爲善耳。彼教義雖不善。然以勸善爲者。聽之可耳。予嘗深入該教。澈求其義。初以爲教中亦多慈善事業。其教義必有特長之點。而不知其教旨

之荒謬惡劣。竟有出人意料之外者。故凡教皆勸人爲善一語。雖至惡劣之神道設教。如中國今日各地之乩壇者。猶足以加之。若耶教之書。則公然教人仇嫉爭殺。薄視其親。而唯事我上帝。蓋野心侵略者之武器而已。雖亦抄襲他教教義以飾觀聽。烏能謂其亦以勸人爲善爲宗旨者哉。而或者疑余言爲過當。以耶教徒中亦多有忠實慈惠之徒爲說。不知此由於其入本性之善故耳。余嘗數聞教師講教。見其娓娓動人之言。皆其撫拾他教名理。與普通常識。決不出於其教書之本義者也。若夫循章守句。依書直講者。大都不堪入耳。故教堂中睡衆甚多。鼾聲不絕。中外皆然。（見之於外國小說笑話書）不容諱也。余所知親友信教者。大抵於其教義無所研究。若問以在教堂所聽演講何詞。輒答以未入耳也。或則名爲耶教徒。而深信輪迴因果星命術數。或同善社之打坐。善堂道院之扶乩。種種怪狀。不一而足。問以何故。又爲耶教徒。不能答也。故教義爲一事。講教者爲一事。信者又一事。各不相謀。教師既自知教義之陋劣。遂多略其本文。而演以他詞。略其不合理者。而述其近情者。故偶有聽之而受其益者。由此類善於訓誨之教師所致。實與其教無涉。且慈惠者大抵生而賦性仁厚。初不因其教而有所加善。其有本性狡狠者。則反利用教會以行其惡。此中外歷史事實之可按者也。吾未見有奸人因受耶教之熏陶而遷善者。惟見其欺世盜名。行惡巧於

常人而已。吾之經驗如此。皆一一有事實可徵者。雖欲否認之。而求一例以反證此論斷而竟不可得。中國如是。歐美亦然。蓋究其實際。教會實與社會道德實無所補。而在政治上。則罪惡昭著。歐洲歷史上之慘酷紀述。大抵與教會相關。中國各地之仇教案件。大半由神父牧師狹隘偏私所釀成。彼國政府復張其勢。我國喪權割地之條約。多與教會有關者也。此其大較也。更進而觀個人之成績。教徒所冀望信教而獲福者。以予所知。親友中之家庭素依儒宗崇佛法以爲修持以爲教育者。改而入耶教。鮮不致惡果。乃至盛者衰。福者禍。健者死。善者惡。比比皆是也。夫盛衰禍福。業命之所定。吾固知佛說者。豈能謂爲信耶教卽致禍如此之速耶。吾豈謂儒佛之教。亦有狹隘凶暴之神如耶教中嫉妬之耶和華上帝耶。（耶教十誡第二條言。我耶和華上帝。乃嫉妬之上帝。信我者賞及子孫。不信我者罪亦如之。）非也。蓋耶教之大害。在隘陋自封夜郎自大。以萬能威權歸之於上帝。而不知因果之理。乃萬事發因於心。今請言其弊。彼自尊爲唯一之聖神。崇信他教事他神者。罰及世世。則意謂他教皆惡可知。故凡教徒大抵安於愚陋。不肯研求他教教義聖哲名言以資比較而求進步。夫在彼國。本無多數古先聖哲。則亦已耳。信賴此唯一之宗教。以按期集聚。偶有良教師以上帝賞善罰惡之言。熏之染之。略其陋者劣者不說。故羣亦視入堂聽講爲訓俗化衆之

一事。於社會不爲無裨。然在中國則不如是。雖有誠實明良之教師。略其甚不合理者不談。而唯述其較近情者。其弊害已不堪矣。蓋其較近情之教義。亦大抵淺陋惡劣。似是而非。而門戶之見既深。尤懼人研究聖哲之名理。率循他教之教義。故嚴爲禁制。恐以重罰。而在中國。則普通人民。大抵皆在儒佛教義中養成者。雖其信受奉行之程度不同。要皆略受其化育者也。今耶教徒則謂之曰。汝教所訓爲悖禮。當去汝所受於儒與佛之教訓。以從我真神所訓至高無上之信條。汝儒教所訓敬祀祖考爲非禮。當毀汝祠廟神主。去而跪拜祖宗父母之儀文。蓋耶穌上帝以外。不當有廟祀。祀之則得罪上帝。罰及子孫。汝佛教塑像以奉佛爲有罪。當盡毀棄之以事上帝。汝佛教所訓輪迴因果之說皆僞作。上帝萬能以生人。豈由自業輪迴。上帝大權賞罰。豈由自造因果。汝昔祖若父。皆習信此虛僞之說。得罪上帝已深。今宜賴耶穌之血。以洗滌其罪而得赦。否則汝雖勉爲善義。亦屬徒然。上帝不汝赦也。蓋耶穌未生以前。世人賴善義得赦。耶穌既生以後。凡不信賴耶穌之名與血者。雖善義皆在不赦之列也。又汝儒教偏重孝道爲非。是當移以孝天父。汝若孝汝親比汝天父者。罪不赦。此其教人變改禮法及信仰之大致也。信從其教者。有兩種心理。其一則雖從其說。而良心有所未安。如前祀祖考。今則不祀。前重因果善義。今則謂爲非。是謂守善義不如賴耶穌之血。

前知戒殺放生。今則謂殺生爲合上帝之旨。前重孝親。今則言不當比其天父。而不得不從輕略。偶一反問。則自悔之心。以時流露。其又一則以爲耶穌之說爲易行。其孝天父比之孝親爲易也。其禮拜儀式。較之儒佛之威儀爲易也。其信仰條件。答詞一語即可了事。較之儒之慎獨自省。誠意致知。佛法之重在心戒。務求諸己者爲易也。至戒殺過於自苦。尤不如耶教獎勵殺生之易行。而又適口快意也。此兩種心理。前者爲懺悔之萌。後者爲怙過之業。悔萌而不改。怙惡而不悛。其同致惡果。不亦宜乎。此惡果之來。有可預知者。卽於自心卜之而已。夫天下之善莫大乎與人爲善。而天下之惡莫甚於絕人向上遷善之路。若耶教者可謂絕人向上遷善之路者也。以儒佛所熏陶之民族。素以向上遷善爲訓育者。一旦改而就彼絕人向上遷善之教。雖信教目的。原不如是。而其禍有不可逃者。歐洲及我國教禍。成績事實如彼。教書荒謬。暴惡昭彰如此。若無所知曉。如鄉僻之人。或受西洋教育之學生。則可恕也。若有所知有所覺。而仍堅執不改。冀望其所信之上帝。降福於我。是輕他人之利害禍福。以徇一己之感情與我見。此尤爲致惡果之因也。又若素宗儒佛教戒禮法之家。改從耶說。斥儒佛爲非。使其家人子弟。一旦盡棄其舊日教育之旨趣。儒佛師友。拒之千里。聖賢經訓束之高閣。而唯彼惡劣之教書是讀。鄙陋之牧師是聽。蠻夷之敝俗是效。習其儀文形式。自

以爲已足。而義理是非心性隱微之學。問工夫。置而不講。於是厚者薄。慈者殘。誠者僞。謹者律。一一如其所求而至。此爲直接所致之惡果。其事顯而易見。更無待於說明矣。

八本堂說

丙寅九月十八日

雲 台

文正公定考寶。早掃書蔬魚猪爲居家八本。其事極庸常。然大抵爲人所忽視。實則聖人治國平天下之道。盡在是矣。古聖王之治天下也。以宗廟祭祀爲之先務。孔子至謂明乎郊社之禮。禘嘗之義。治國其如示諸掌乎。孔子而爲愚人也則已。若其聖智爲可稱也。則此言也不有甚深之意義存其中耶。今之青年。沈迷於西方物質之學說。絕不了解此意義者也。彼以爲是乞靈於陳死人。以邀福耳。爲之者爲大愚。又謂以食物供死人。彼非能享也。假令鬼果能享。則僅歲時一具。何補於其平日之餒乎。凡此辯詞。大抵皆以物質爲說者也。而不知古聖人立教立法。不在其物。而在其意。祭祀之所由來。蓋出於孝子仁人之用心。所謂事死如事生。事亡如事存。孝之至也。能如是用心。則忠厚之德。可以見矣。故孔子曰。其爲人也孝弟。而好犯上者鮮矣。不好犯上而好作亂者。未之有也。君子務本。本立而道生。孝弟也者。其爲仁之本歟。又曰。慎終追遠。民德歸厚矣。古聖王蓋善用此意。以爲治民之法者。獎勵孝弟。

重視祭祀。所以培養其忠厚之性情。使親親而仁民。老老幼幼。以及於人之老幼。審如是。天下豈尙有不治者乎。此其意豈物質學家斤斤以死者有知無知。獻食有用無用爲辯者。所得而知哉。故文正列祭祀祖考爲第一。而次之以仁親爲寶。惟善爲寶。夫大學親民止至善。同爲明明德之功。至高無上。故曰寶也。是二者進德之事。有斯二者立其本。而後修業之條目工夫。有可得而言矣。治生與爲學。皆修業之事也。二者皆以勞謙爲吉徵。以逸傲爲凶德。早起所以習勞而醫惰也。洒掃所以習謙而醫傲也。不有此二者爲之本。則業無可修。而德亦無可進。天下古今。未有惰且傲之人。而德業成就者也。故早掃二字。治生力學之大綱也。其條目則書蔬魚猪概之矣。書爲學之事也。蔬魚猪。治生之事也。所謂耕讀之家風也。孟子所言五畝之宅。樹牆下以桑。百畝之田。匹夫耕之。五母雞。二母彘。毋失其時。謹庠序之教。申之以孝悌之義者。蓋盡概括於此八字之中。其言蔬魚。則因地而殊。不限於字義。要皆農家之附業。尺地之利。寸陰之時。不敢廢棄。田家生活。固如是耳。孟子以此爲黎民不飢不寒之道。謂循是以行而不王者。未之有也。然則文正之八本。非獨居家之本。抑亦治國平天下之本也已。文正公爲學治事。皆能提要鉤玄。撰爲箴言韻語聯句。以自策勉。蓋摘取古人之意。而融會貫通之。以適於實用。吾輩學識淺陋。雖志欲師古。而望洋興歎。莫知所擇。若能善以